



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Articulus 3. Confusio & Discordia sectarum quæ ex Lutherismo & alijs
prodierunt.

urn:nbn:de:hbz:466:1-40853

quam se Dei nomine scribere ac prædicare profitentur. Sicut in verbo Dei scripto, si vel semel in illo contradictionem apertam deprehendas, in cæteris omnibus tota Scripturæ fides evanescit. Videant igitur, ac serio agnoscant horum Sectatores, quām fallaces sint Prophetæ ac divini Spiritu penitus vacui, quibus ab initio fidem suam ac salutem crediderunt.

ARTICULUS TERTIUS.

Confusio & discordia Sectarum que ex Lutheranismo & aliis prodierunt.

Non potest esse unitas, aut veritas Fidei in Ecclesia Lutherana, cuius præcipua membra, & quasi primi Apostoli, in sua doctrina neque cum Luthero, neque inter se concordant, sed mox ubi prodierunt in Sectas varias sibi, Luthero, ac Evangelio contrarias degenerarunt, uti hic aperte demonstro.

Ac primò, ipse Lutherus in Saxonia circa annum 1517. ubi matrem suam Ecclesiam Romanam viperino more laniare exorsus est, mirum dictu in quot se figuræ moresque transmutaverit, ut novum aliquod Religionis monstrum efformaret. Etenim ex ipso non Secta unica, sed tres immundi Spiritus (quales Apocalypsis cap. 13. dicuntur exire de ore pseudo Prophetæ) primo velut partu prodierunt. Hi sunt Homologistæ, Anabaptistæ, & Sacramentarij. Et quia tres sunt qui veritati testimonium dant in terra, Spiritus, Aqua, & Sanguis, Baptismum aquæ inquinarunt Anabaptistæ, Spiritum veritatis in potestate Clavium oppugnarunt Homologistæ, Sanguis.

Sanguinem Domini profanarunt Sacramentarij, ne ullum veritati testimonium in terris integrum permaneret.

At ecce ex *Anabaptistarum* Spiritu cænoso quot illico Sectæ, veluti totidem ranæ, pullularunt. Ex his enim alij à cæteris divisi se *Ademites* appellant, quod Adamum in statu innocentiae se imitari profiteantur. Alij dicuntur *Sabbatharij*, quia Sabbathum more Judæorum, non diem Dominicum colendum esse docent: neque de Christi divinitate rectè sentiunt, ad Judæorum Messiam proclives. Alij se *Clauicularios* Christianos vocant, quod existiment sibi sufficere fidem suam clam solo corde profiteri, & si rogentur an sint Anabaptistæ, licere id ad vitandum periculum apertè negare. Alij contra *Manifestarij* nuncupantur, qui prorsus impium esse docent, si rogentur, se Anabaptistas inficiari. Sunt & alijs dicti *Tacentes*, qui nolunt amplius esse docendum aut prædicandum, eo quod mundus jam indignus sit, ut verbum Dei audiat. Sed & alijs reperiuntur dicti *Enthusiastæ*, eo quod jactent se divinis revelationibus intus è cælo doceri, ac diu velut mortui jacent, quasi interea divinis colloquiis fruerentur.

Jam vero ex secunda Lutheri sobole, qui sunt *Sacramentarij*, quanta Sectarum colluvies effluxerit inspiciamus. Cum enim Lutherus scribens contra Leonem Pontificem, & in Libello de formula Missæ doceret in Eucharistia neutram speciem, sed solam Sacramenti fidem ad salutem sufficere, occasionem præbuit Carolostadio, & Zwinglio, ut de hoc Sacramento Berengarij hæresim renovarent. Hinc igitur orti *Zwingiani*, qui negant verum & substantiale Corpus Christi in Eucharistiæ Sacramento contineri.

M 3

Verūm

Verum de hoc dogmate en quanta mox inter illos dissensio oborta est; quot pâne capita tot de vero hujus dogmatis sensu sententiæ prodierunt. Alii ex Zuinglianis dicti sunt *Significati*, qui Christi verba, Hoc est Corpus meum, sic intelligi volunt, ut verbum, Est, idem sit quod, significat Corpus meum. Ast alij dicti *Tropista* qui Verbo, Est, in propria significatione relicto, contendunt tropum esse admittendum in voce, Corpus, ut intelligatur tantum in Eucharistia Corporis figura. Ab his omnibus dissentunt *Energici*, qui ut proprius ad verba Christi accedere videantur, Corpus Domini dicunt intelligi debere per metonymiam, pro energia Corporis Christi, hoc est, pro effectu quod Corpus Christi in Cruce oblatum in nobis operatur, & cum his fentit Calvinus. Alij dicti *Aragonarij* statuunt aliud ab his omnibus diversum, nempe Cenam Domini præberi tanquam arabenem, investitutam, aut pignus Corporis Christi nobis donari. Præter hos sunt & alij ex eadem Lutheri sbole qui Corpus Domini in Eucharistia omnino adeisse concedunt. Verum & inter illos quanta in uno puncto fidei discordia! Alij admittunt Corpus esse sub vero pane illuc permanente, alij in pane, alij circa panem. Prolixum foret vel de hoc uno fidei mysterio cæterorum pugnantia inter se deliria recensere, ex quibus luce meridianâ clarius ostenditur, Lutheri Sectam non veram Ecclesiam, sed errorum inter se dissidentium facundum esse feminarium.

Tertius errorum Spiritus quem evomuit Lutherus fuerunt *Homologisti* cuius Sectæ præcipuus semper scopus fuit Sedem Apostolicam, & in ea potestatem Clavium à Christo traditam fundi-

funditus evertere, in hanc Confessio Angustana, & cum ea Melanthon totus conspirat. Sed & hi *Confessionistæ* in plures Sectas dividuntur, ex iis enim alij dicuntur *Rigidi* quorum duces erant Illyricus, Gallus, Morlinus &c. qui profitentur se Lutheri dogmata integra & inviolata tueri, ut nullum esse homini liberum arbitrium, opera bona non esse necessaria ad salutem, ritus & cæremonias omnes ab Ecclesia exterminandas, & alia quæ à Luthero dubiè pronuntiata, ab illis, in summo rigore defendenda suscipiuntur. Quin & ipsi Rigidi in varias factiones, & opinionum portenta diffècantur, ex quibus prodierunt *Antinomi*, *Samosatenenses*, *Inferiani*, nec non *Antadiaphoristæ*, qui nullas cæremonias veteres, sed aliquas tantum novas admittunt, & *Anticalviniani* qui contra Calvinum credunt verum Christi Corpus in Eucharistia contineri, ac *Bisacramentales* qui duo tantum statuunt Sacra menta, Baptismum, & cænam Domini; ac *Tri sacramentales*, qui tria Sacra menta admittunt. Plura alia inter Rigidos pullularunt Sectarum portenta tam re, quam nomine formidanda.

Rigidis opponuntur *Confessionistæ Molles*, quorum princeps fuit Melanthon, cui inter præcipuos hujus Sectæ duces accessit Major, Fursterus, Pomeranus, ac Theologi Lipsienses. Hi contra Rigidos docent dari in homine liberum arbitrium, & post Fidem, bona opera saltem minus principaliter ad justitiam requiri. Sed, quod hæresi proprium est, nec isti quidem in fidei suæ fundamento concordiam colunt. Alij enim *Majoristæ* dicti, quia Majorem ut ducem sequuntur, docent absolute bona opera ad salutem esse necessaria. At *Adiaphoristæ* repugnant in hoc, quod afferunt Ecclesiæ constitutiones ac

cæremonias esse res indifferentes , quas licitum fit pro arbitrio admittere , aut repudiare. Alij inter Molles sunt *Quadrifacramentalis* , qui ex septem, quatuor Sacra menta recipiunt , Baptismum, Eucharistiam, Claves, & Sacrum Ordinē. Alij *Lutheri-Calviniani* , qui Berengarij dogma de Eucharistia sic temperant, ut persuadere velint Calvini hæresim Sacramentariam in Confessione Augustana à Principibus Lutheranis approbatam esse, ut ipse Calvinus in sua adversus Westphalum admonitione de Melanthone testificatur. Alij dicuntur *Medi-Osiandrini*, quia cum Osiander hominem essentiali Dei justitia justum esse docuisset, & contra *Illyricani* assurerent hominem solum imputativè justum haberi, correxerunt utrosque *Medi-Osiandrini* , quasi mediâ viâ docentes , hominem quidem in hac vita tantum imputativè : justum reputari , in vita autem beata illum fore justum eā justitiā quā ipse Deus per effientiam justus existit. De his ac pluribus aliis Molles illi Lutheri asseclæ interf se non molliter digladiantur.

Ab his ac Rigidis recedunt *Confessionistæ* , qui *Recalcitrantes* dicuntur, eo quod contra ipsius Lutheri doctrinam ausi sint apertè calcitrare : & quamvis nolint omnino à Confessione Augustana deficere, sic tamen contra priores Sectas, ac contra se mutuo in multis decertant, ut in alienis castris militare videantur, quales sunt Osiandrini , Stancariani , aliquie quorum dogmata non recenfeo.

Hæc tantum pauca unius Sectæ Capita ex fidis Scriptorum monumentis collegisse, atque in hunc ordinem claritatis causâ redigisse sufficiat. Ut quisque propriæ, aut alienæ saluti consulturus, dilucidè perspiciat, ex uno Lutheri ejusque triplici

triplici Secta, quot iterum novæ Sectæ inter se toties dissectæ, resectæque assiduò pullulaverint: quæ in perpetuis dogmatum, animorumque dissidiis natæ, & adultæ, potius palæstræ alicujus gladiatoriæ, quam unius Ecclesiæ speciem habent.

Sed nondum finitæ sunt istæ Sectarum dissensiones. Transeunt ad modernos Nepotes cum antiqua heresi nova dogmatum dissidia. Hæc inter Hollandiæ Ministros hodie flagrantia, eleganti stylo describit *Fridericus Spanhemius* apud ipes Sectarios Sacrarum litterarum Professor in *Epistola ad Amicum*, de novissimis illic circa Rex Sacras dissidiis, editâ Lugduni Batavorum hoc anno 1677.

Conclusio.

ET verò ex harum Sectarum discordiis quot nata fuerint per Europam prælia, quot bellis ac cædibus lacerata Germania, loquuntur ætatis nostræ historiæ, ac superiorum temporum ferales ruinæ. Quis enim ignorat ab ipso exordio quid per Germaniam acciderit in rusticano Latheranorum tumultu, qualia inter confederatos Tigurinos prælia exarserint, quo pacto harum discordiarum occasione Prussiam Germania eripuerit Polonus, Solymannus Hungariam, nec Suecus pauciora vastaverit. Per Galliam verò, & florentes olim Belgarum Provincias quam internecinis odîs hæ Sectarum furia sacra omnia ac profana miscuerint, testantur adhuc recentia non minus odiorum, quam præliorum vestigia. Sed quid antiquiora memoramus? Non potuit toto Oceano cohiberi illud rapidissimum Lutheranici furoris incendium, ne Bri-

M 5

tanniam

274 *Tract. 3. Art. 3. Notæ falsæ Ecclesiæ*
tanniam universam novis dissidiis, bellis, ac cæ-
dibus inflammaret. Recenti adhuc memoriam
tinemus, quām infestis in se invicem odiis , at-
que armis incurrerint Protestantes , Puritani ,
Presbyteriani, Independentes, atque ex eodem
Germine Sectarum de novo nascentium con-
fusa progenies : quæ ad illum furoris apicem
progressa est , ut non dubitaverit supremum
Religionis suæ Caput excutere, ac dicatas scele-
ri manus regio sanguine cruentare.

Et erit etiamnum aliquis adeo fatuus & ex-
cors, ut seriò in animum inducat suum , infinitam
Dei Sapientiam reformandæ suæ Ecclesiæ
hanc hæresum inter se mutuo dissectorum atque
armatarum colluniem in orbem immisisse.
Quæ cum antiquam Ecclesiam evertat , neque
per se novam , nisi merè Babyloniam consti-
tuat, quid aliud restat, quam ut omnem Christi
Ecclesiam è mundo eliminet. Quis igitur erit ,
nisi rationis penitus expers, qui sibi sinat per-
suaderi, huic portentosæ tot capitum Hydræ Spi-
ritum inesse divinum, qui audiri debeat, contra
authoritatem & vocem totius Ecclesiæ Roma-
næ, quæ constanti Sedecim sæculorum decursu
suam Fidem , cælestibus signis comprobatam,
summo animorum, dogmatumque consensu, per
orbem pñè universum propagavit.

Restat igitur ut ex his Sectarum dogmatum
que dissidiis hactenus explicatis , hoc porrò fir-
mum , invictumque conficiatur argumentum.
Tota illa Sectarum collectio pro primo sua fi-
dei articulo profitetur , se missam à Deo ad re-
formandum Ecclesiam Romanam. Sed collec-
tio Sectatum sibi mutuo contradictorium non
potest esse vera , aut reformatrix Ecclesia , ut
jam ostensum est. Ergo moderna collectio Sec-
tarum,

tarum , quæ profitetur se missam à Deo ad re-formandum Ecclesiam Romanam , non potest esse vera Christi Ecclesia, aut reformationi idonea. Sic enim curvitas effet norma recti ; & falsitas, & contradic̄tio regula perfectæ veritatis. Videat ergo in quanto salutis æternæ naufragio versetur, quisquis extra gremium Ecclesie Romanæ inter has Sectarum syrtes miserè fluctuatur.

ARTICULUS QUARTUS.

Calumniæ quædam apertæ contra doctrinam Ecclesiæ Romanae Novatoribus confitæ.

Ca lumnia prima : In cultu Imaginum.

Familiare est Sectariis quamvis labem Catholicis aspergere, quâ apud ignarum populum deformes aut monstroſi appareant. Colunt hi vetusto majorum ritu imagines Christi ac Sanctorum : hinc fæcunda seges Calumniarum. De Papistis , inquiunt , concilatum est : fugienda hæc hominum pestis: non tantum impii sunt, sed etiam Sacrilegi , neque sacrilegi tantum , sed etiam cultores idolorum ; Christiani hominis nomen exuerunt , cum ethnicis insaniunt, infidelium more lapides, & ligna adorant.

Attu, Sectarie , Calumniam loqueris quovis lapide & ligno crassiorem. Orant Catholici ad statuas lapideas Sanctorum, infers, ergo statuas lapideas adorant. En tibi in simili forma formosum argumentum : Orant Sectarii in templis ad Aras aut Columnas lapideas, ergo lapideas aras aut Columnas adorant. Errore isto nos facile liberabis , si tu prius errare desinas. Fides no-

M 6

stra